

577.23
8



1877-1937

考試院惠存



週年紀念刊
暹京廣聲會館創立六十

孫科題



並用

暹京廣肇會館六十
週年紀念刊

陳守明題



錄



總理遺像 附遺囑

遜第八世皇御像

序

序言

本館六十週年壽梓導言

題詞 附與本館有關重要圖片及敬

恭堂開幕黨國要人題字

會旗

廣肇會館發起人各屆總理主席委員等玉照

——廣肇會館史畧——

黃孝餘

何筠選

譚金洪

六十年來之廣肇會館與其事業

附本館各部章程

本館與屬下之醫院學校墳場圖片

——論 文——

廣肇會館六十週年紀念獻詞

由紀念廣肇會館想到黃求標先生

無的之矢

廣肇會館與僑社之關係

廣肇會館與同鄉之關係

紀念中的閑話

白雲

黃虹

長嘯

劉溥恩

黃鏡波

李瑞昌

錄



廣肇會館六十週年紀念感言

黃亦文

對於廣肇會館之感想與期望

譚玉麟

廣肇會館的前瞻與後顧

趙孟昭

談談明日的廣肇

志 寰

對於廣肇會館未來之希望

黃朝活

廣肇會館之保良局

蔡世業

廣肇公學之回顧與將來之展望

黃礎襄

廣肇醫院的發展

梁振標

漫談近五年來我旅暹兩屬人士之

經濟狀況及其危機

郭瑞田

在六十週年紀念聲中畧談廣肇人

士的文化事業

金 洪

從廣肇會館六十週年紀念說到體育

楊文玲

——僑社人士對本館之觀感——

廣肇會館六十週年紀念祝詞

老 丁

廣肇會館六十週年紀念感言

許葛汀

廣肇會館六十週年紀念

陳宗光

廣肇會館六十週年紀念感言

葉則鵬

我對廣肇會館空週年紀念說幾句話

符開先

廣肇會館成立六十週年紀念

柯萃華

錄



廣肇六十年紀念感言

關於廣肇會館主辦集團結婚

——廣肇會館六十週年紀念大會——

慶祝六十週年紀念大會圖片

廣肇會館六十週年紀念大會記

——廣肇人士之工商業——

弁言

火鑿業

建築工程業

機器工程業

子東

病佛

編者

編者

馮少文

金洪

馮少文

保險事業概況

進出口業

火鋸木廠業

一般工商業

綢緞滙兌業

航業

牛豬業

水喉電火業

攝影繪畫與電影

女工

劉鴻恩

馮少文

馮展

黃亦文

今宏


馮展

今宏

今宏

金洪

金洪



總 理 遺 像

遺 囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥

現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑



下陸倫希瑪他蘭亞皇世八選

序

蓋自海禁既開，舶通中外，外人之蒞華貿易者，固源源而來，而華人之渡洋謀生者，更不可勝數，諸如南洋群島，美澳兩洲，乃至東洋西洋，無論小國大國，凡屬工商業區，即莫不多有吾華人之足跡，而暹京一隅之地，因亦早爲吾人樂業安居之所，范大夫之浮海精神，竟爲數千年後無數之可畏後生有過之而無不及，是安見今人之果遜於古人耶？溯華人之僑寓暹京，其中以粵人爲最衆，而尤以我廣肇同鄉爲不在少數，於是共謀同鄉福利之組設，遂遠生於距今六十年以前矣。

夫「遠託異國，昔人所悲。」所悲惟何？別父母之邦，蠲天倫之樂，舉目殊趣，孤另無歡；凡此爲自然之趨勢，然而人非鹿豕，志在四方；苟有以立身建業，而所遇咸能本互助之天性以從事者，則四海之內，皆兄弟也；矧復相值於異域，同居於寓所，合作於工廠，共營於商肆，儘多同鄉共井之人，仍可以守望相助，疾病相扶持者哉？其實集大多數習慣語言無不相同之人於天涯海角，其相互間之親切，誠莫可以名言，是故聚首於家庭，則天倫之樂爲可貴，若置身於異地，則同鄉之誼爲綦重。而所以維繫此綦重之情誼，使日加濃厚，並藉以合謀公共之福利者，則又莫尙於有健全之組設矣。

我廣肇同鄉先輩，有見及此，在前此六十年間，早已有廣肇別墅之組織。誠以來暹之同鄉，始雖暫忍離別家庭，隻身南渡，繼而多有携同眷屬，卜居是邦，於是置業立家，生生蕃毓，有幾忘新豐之非楚者；夫至旣咸以他邦爲閭里，則勢必先有閭里之模型，然後閭里之關係始立。抑凡外人旅華之營謀，爲覓市場，銷貨品，類皆殷富之流；華人僑外之操作，爲入工廠，賣勞力，多

屬貧窮之輩。殷富者，尚可獨立爲生；貧窮者，必待交相提挈；有此種種情形，而別墅應辦之事業，亦綦繁矣。

原此別墅之措施，純以同鄉切身問題爲對象；綜其切要需求，向分三大原則，其一設學校以栽培後進，其二立醫院以保衛健康，其三闢墳塋以免寒白骨。由是而捐貲財，購地址，建廬舍，築佳城。幾經慘淡經營，苦心孤詣，而後土生之童，不至逸居無教；或二豎見擾，不至病苦顛連；一坏之士暫安，異域之魂稍慰。從此同鄉之對於生養病死，時得相當解決，而一無遺憾，胥拜我廣肇前輩諸公之賜。顧草創之始，僅囑具規模；簡陋之處尙多，此固無庸爲諱。加以近十年來，世界不景氣現象，荐臻遑遑，華僑之工商業，隨而漸趨凋敝；捐款極感困難，別墅之經費，遂以日形拮据。前此三原則之施行，已屬無形停頓，甚亦祇虛有其表而已。

迨至民廿年底，別墅同人鑒於同鄉之迫切要求，與夫地方潮流推盪，乃始急起直追，決定改組爲廣肇會館，並設執監委員會以主持一切會務。時餘適在暹京，任中華總商會總幹事一職，對於別墅各種事宜，原並當參末議；至是乃謬承各同鄉推爲第一屆執委主席。當千瘡百孔之餘，作革故鼎新之計，固非疏才如餘所能勝任。然念情誼所在，未便固辭。常於就職之後，與黃先生求標，馬先生立群暨同鄉先輩，悉心擘劃，冀求改進；中歷幾許艱辛，一惟百折不撓。於是重新捐集鉅款，依照原有之三原則而擴充之；首將別墅原日之明德男校，坤德女校，與前由同鄉私人創辦之華南男校，潔芳女校，合併爲廣肇公學，校舍教務，爲之一新，就學之男女同鄉，亦增至千餘；其次，將經購得之角鎮墳地，並趕籌劃興建，於是區分墓地，廣築亭宇，使喪死之同鄉，於哀悼之餘，差堪慰藉；至於醫院，則因一時籌款不易，祇就原有處所，加意整理，務使頓易舊觀；是皆爲廣肇會館改組以來之最要設施，而亦即同鄉諸公萃腋成裘，集思廣益所得之效果。由此

以觀，足徵人世無難事，唯苟且偷安，不思進取者，容或有之；若能勇邁無前，再仆再繼，則事無鉅細，胥覺其易；拿破崙所謂志士之詞典原無「難」字，其信矣夫！

世事無常，盛筵必散；在餘方冀常從諸君子之後，努力服務，藉增同鄉之福利，而盡個人之職責。孰意民二十一年秋間，忽接廣東省會公安局長何公電召，回粵勸辦警政。雖翌年一月，復奉我國駐暹商務專員陳君守明邀請返暹，幫理開辦領事簽證。如是者忽忽兩年，仍得以公餘，追隨繼任主席黃求標先生之後，繼續完成廣肇同鄉旅暹之新墳場工作；同時，對於廣肇公學，亦承校長黃礎襄君不棄，隨時獲舒管見，一時校務刷新，學生人數激增，竟為最近暹京各華僑學校之冠，此固非餘始料所及，而私心則滋慰矣。詎事未兩載，仍為何公約回粵垣，擔任整頓公安局所直轄之懲教場。顧念身雖歸粵，而心則終念念不忘於在暹同鄉，並常馨香祝禱，致望於廣肇會館同人，精進猛勇，為各同鄉盡其義務。年來常得各同志通訊，及獲閱各種刊物，藉悉會館事務，由何驥先生，協同各股委員，追隨黃求標先生之後，力圖發展，而一切事業，更突飛猛進，日新不已，然後私衷竊喜，真不知手之舞之，與足之蹈之矣。

茲者，承現屆主席黃求標先生函示，以同人將纂廣肇會館六十週年紀念刊，囑餘為之作序。餘不文，詎敢膺此？然一念及我廣肇同鄉僑暹之組織，既有六十年之悠久歷史，其間變遷沿革，至關重要，而餘亦忝為此組織執行人之一，因不覺生無限感想。特不忖譾陋，勉寄數言，以明事業之成就，恒由艱難辛苦中來；深願今之樂成者，懷知前人圖始之匪易，而為後之樂成者，更力圖其始；如是廣續無間，而僑暹之我廣肇同鄉，將愈獲無涯之福利；此豈又待夫著龜也哉！

中華民國廿五年六月黃孝餘叙於廣州市南石頭之懲教場。

序 言

男兒志趣，要當讀萬卷書，行萬里路，高掌遠蹠，尽天下之殊方絕域，莫不有其車轍馬跡，而後足快其壯圖，區區行路之艱難，不足慮也。惟艱難行路之中，亦未嘗無維持調護之法，以助吾遠游之壯志者，即今暹京廣肇會館是也。嘗聞自昔：游子離父母，別鄉井，始則出門惘惘，如不勝情，繼則舉目無親，塊然獨處，蕭條客路，誰與爲歡；及引而進之會館，得與當地同鄉先生游，相愛相親，如左右手，雖在天涯萬里，恍如四海一家。由是散者以聚，疏者以親，有第二故鄉之思，無遠適異國之感。即祖國士民，猶聞風渴慕，以不得航海南來，一觀德化爲憾；況僑胞身受其惠，感激固當如何也。

會館成立於民元前三十五年，始以註冊關係，僅名別墅，未以會館稱也；然施行事迹，業能先踐其實，羣衆心目，已公認其名。數十年中，文化演進，與日俱增，如贈醫留醫及學校山莊保良救災諸義舉，其尤著也。猶憶民六年余受聘至略，襄助教育，親見會館之組織周詳，規模宏大，與夫任事諸君子熱心毅力，所以爲同鄉任艱難，謀幸福者，意至深遠；私心健羨，雖已返國，未嘗去懷。及今民廿五年，余以潔芳女校公幹，南來訪舊，得見主席幹事，類多廿年舊雨，精神矍鑠，歡若平生，凡女校營謀，不分畛域，區劃尽善。余既感其公義，竊歎古道照人；而觀其建設，尤突飛猛進，煥然改觀：如敬恭堂之莊嚴璀璨也，廣肇公學之發揚光大也，廣肇墳塋之瑰奇壯麗也，他如會務進展，醫務擴充，學務統一，推而至中華總商會，天華醫院，各中小學校等，均有同人參與其間，實行聯合，繼長增高，頓增異彩。是皆令人五體投地，歎爲祖國所罕見，何圖于海外舊遊之地，邂逅遇之。

然默察諸君子之用心，仍歉然常以爲未足，何也？余嘗登敬恭堂，瞻仰總理遺像，親覩巍巍在上者，有總理親愛精誠之遺訓焉。然後知諸君子宏願，常以總理遺訓爲依歸，故對于同鄉之疾痛癢癢，無時不息息相關者，蓋有由也。嗟夫，世之歧視同胞，若秦人視越人之肥瘠，漠然不加憂戚于其心者，以乏親愛精誠之真意耳。今諸君子遵奉遺訓，洞明大義，以親愛同鄉之故，貧富一體，如指臂之相聯而不可離，以精誠團結之故，衆志成城，如膠漆之相投而不可解。故一遇事變之來，即將際萬難，無不犧牲其精神，輸助其財力，以維持僑胞福利者；苟非親愛之情誼，精誠之團結，安能至是乎。人有親愛精誠之真意，上可爲國家之干城，下可爲人群之保障；亦何怪其日新月異而有加無已也。故其感人之深者以此，其維持久遠者亦以此。

今會館成立，屈指已屆六十週年矣，同人遭逢盛會，公決於民二十六年元旦舉行紀念典禮。當此之時，復蒙暹政府特許以會館名義註冊；此後名正言順，更爲同鄉宏濟艱難，推行尽利，當可斷言，同人之歡欣鼓舞，益可知矣。夫既得其名，而復求其實；與既踐其實，而始得其名；事雖有後先，功無分軒輊。韓子云：莫爲之前，雖美而不彰，莫爲之後，雖盛而不傳，兩者適相資也。後之君子，其勉乎哉。然前人之艱難締造，以有今日，亦無可或忘者；同人搜羅文獻，爰有六十週年紀念刊之作。書既成，問序于余；遂喜而序其緣起如此。

民國廿五年八月中山何筠選序于暹京廣肇公學敬恭堂西偏

本館六拾週年壽梓導言

梯峯掛迴，越繩度之山，航海跨深，浮泛毛之波；雖地稱不毛，泊號弱水，曾不能阻其一往無前之志者，果何人耶？是即我大中華民國之國民，神明之華胄。於以華僑之足跡，乃徧五洲；而世界各國，亦莫不有華僑之進止。

自三寶太監南巡，南洋一帶，如現之法領印度支那，英領印度支那，荷領東印度，暹羅等，皆與中國發生密切關係；因此華人之往東西洋者，雖屬不少，究不若南洋之衆。而旅居南洋之華僑，又以暹羅爲最，星洲次之。查暹羅華僑，據最近之統計，約有二百五十拾萬人，此二百五十拾萬人，多爲南海沿岸一帶如廣東，福建東南部，東海沿岸一帶如福建東部，浙江等省之人，其中尤以廣東人爲多。廣東人中，又分爲廣肇屬，潮屬，客屬，瓊屬等。

據上所述，已知華僑在暹，有二百五十萬人，人數如是之衆，而人心又將如何？此實爲關心僑務者所欲知。良以過去中國，人心實至不齊，諺有諸矣：『一僧擔水，式僧抬水，三僧絕水。』此其比也。以視英人之一人力作，二人合作，三人齊作；寔假而所向必取，能不悞。惟暹羅華僑，是否人各一心，全無團結力量，似有一述之必要。

在暹華僑各屬人中，以潮僑爲多，而我廣肇屬人，數亦繼推。其他姑不具論，今祇就我廣肇屬人言之；考廣肇屬人來暹，已百餘年，在百年以前，無甚組織，唯一團結之要素，爲語言風俗習慣。降及六十年前，即遜清光緒三年歲在丁丑，乃有廣肇別墅之設；此廣肇別墅，即更名不久之廣肇辦事處與現稱廣肇會館之前身。

當廣肇別墅之始創也，發起之先正，爲王晉卿，馮和氣，葉燭華，彭其盛，吳宗潤，龔珍保

，梁文槐，許金鐘，鄭溢榮，鍾超灼等十人，乃鏗鐘振鐸，即如响斯應，用能導涓宗海，撮壤崇山；以在暹京祇有數百同鄉之廣肇人士，一呼之間，已捐得暹幣一萬七千餘銖，所謂集千腋以成裘，而粹白昭其質，不其然乎？捐款既妥，遂擇得石龍軍路之現址，鳩工庀材，成彼規模宏敞，極壯觀瞻之別墅。當興建別墅之時，先正馮和氣等，躬作匠礪，以盡彼有錢出錢，無錢出力之義舉；合捐款之踴躍與効勞之爭先，而推之先正之甘戚於生日，致劬於千古，可以慨然而想矣。

別墅既成，我廣肇屬人，已有團結之機關，於是多於工餘之暇，聚集墅內，歡談一切；而各同鄉之感情，益形親密，因而跼粵相銜，首尾一體。間於縱談之頃，話及同鄉之贊生助祉；又決定山莊，醫局，保良局，學校之組設。乃於遜清光緒十年創建廣肇山莊，廿九年設立廣肇醫局，三十一年設保良局，民三辦明德男校，民六增辦坤德女校；凡此種種，皆為有益於同鄉之舉措。緣他鄉仙逝，闔器須安土之所；貧病顛連，兄弟有相告之義；紅顏薄命，脫火坑而尤切；蚩蚩小孩，受亭毒之應爾。是則先正之意長心遠，又豈或忘之耶？


苟日新，又日新，我廣肇別墅，至民廿一年初，又經一番改組，廣肇別墅之名，改為廣肇公學醫院總辦事處。於是，昔日之祇有少數同鄉參與之廣肇別墅，已一變為較多同鄉參與之廣肇總辦事處；昔日明德坤德之三四百學生，又一變為有千餘學生之廣肇公學；而醫局，山莊，亦改舊觀。醫局則擴大組織，改為醫院，內有贈診，贈藥，免費留醫，施棺等。山莊則另在角贊建一偉大之廣肇新墳場，為南洋一帶墳場之冠；雖擅于建築與美術之外人，其墳場亦未過也。

本年五月一日，廣肇總辦事處，又以廣肇會館名義，向暹政府註冊，經暹政府批准。計我廣肇屬人團結之機關，由遜清光緒三年之廣肇別墅起，隙駟電謝，逝波箭流，其間名義上經改為廣肇總辦事處，以至廣肇會館，急景颺及，又六十年。此陸拾年中，先正艱難創造之由，與乎別歷

勤苦之狀，功不可沒；秉逸而思初，安而維始之旨，本館爰有陸拾週年紀念之慶祝。此慶祝者，發先正之偉跡，以廣吾人之津逮；紀念之不足，且壽之梓，以廣後人之津逮。故本館舉行陸拾週年紀念，出版陸拾週年紀念刊者，良有以也。

惟在此舉行陸拾週年紀念之頃，出版六十週年紀念刊之際，同鄉之中，以本館有六十年之光榮歷史而欣慰者，實屬不少；然由此欣慰，而視廣肇人士之團結，已達極點，廣肇會館之工作，已竟全功，故無須團結，已有團結，無須工作，已有成績者，似非無人。夫此種同鄉，實不明『善乃至善之敵人』，故有此錯悞之觀念，非改正不可。誠以會館之舉行陸十週年紀念，出版六十週年紀念刊，乃追原先正艱難創造本館之由，傳述剔歷勤苦之發展，言古以勸今，使吾人知今日之成績，乃由千辛萬苦之工作得來，因而默察先正之意旨，繼續述業，肯堂肯構，以達彼救助同鄉之最高目的。須知廣肇會館之工作，以原定計劃而言，未實現者極多，離成功之途頗遠。矧世界經濟，每下愈況，不景之氣，延及遼京；因而百業凋零，同鄉之失業，爲數日衆，而福無雙至，禍不單行，貧病又與結緣。此等貧病之同鄉，亟待翕羽相助，解脫黏黴。若同鄉不更團結，以萬人操弓之精誠，共射此救濟同鄉之一招，則廣肇會館過去之光榮歷史，不能保持，且將以自滿盤脫而日隳。語云：『譬如爲山，未成一簣，止吾止也；譬如平地，雖覆壹簣，進吾往也。』深望廣肇同鄉，三復斯言，知紹往開來之義，參譚以作，使廣肇會館之事業，日益進展，廣肇會館之聲譽，與月俱增；從此振箕裘之緒，垂黼黻之光。是本館六十週年之壽梓雋意，其在斯乎，其在斯乎。

大中華民國廿五年十月台山譚金洪撰於遼京中華中學



附

與本館有關重要圖片及敬開黨國要人題字

廣肇六十週年紀念刊

光被南表

暹羅中華總商會主席蟻光炎



施晉興學
嘉惠僑胞

宋子良題



珠海星巖靈鍾秀毓兩郡英豪
集斯曼谷創成嘉會用華僑情
歷年六十騰茂蜚英當道褒嘉
許登諸冊紀事編成壽同金石

暹京廣肇會館成立六十週年紀念刊

朱汝珍謹題

